

Regulativ da traffic
sen veias e plazs

digl

cumegn da

Tinizong-Rona

CUNTIGN

	<u>artetgel</u>	<u>pagina</u>
I RESTRICZIUNS ED EXEPZIUNS	1 - 2	2
II LUBIENTSCHAS SPEZIALAS E TAXAS	3	2
III DETERMINAZIUNS SPEZIALAS	4 - 7	3
IV STIPULAZIUNS PENALAS	8 - 10	4
V DETERMINAZIUN FINALA	11	5

I. RESTRICZIUNS ED EXEPZIUNS

Art. 1

Scumond Igl traffic da vehichels a motor è scumando sen tottas las veias communalas cun exepziun dallas veias an vischnanca.

Art. 2

Exepziuns Digl scumond an art. 1 èn deliberos:

- a) vehichels tgi servan a l'economia agricola e forestala
- b) vehichels tgi servan per adampleir l'obligaziun a medis, vetrinaris, pulizeia, pumpiers, posta ed officials

Igl madem vala per tots igls cass da succurs.

II. LUBIENTSCHAS SPEZIALAS E TAXAS

Art. 3

*Lubientschas,
Taxas* La suprastanza communal conceda las suandontas lubientschas adossond mintgamai las taxas da canzleia fixadas ainten igl preschaint regulativ:

- a) ena lubientscha annuala per tots igls automobils e motors tgi servan a l'economia agricola: Taxa da canzleia 50.- fr. 2)
- b) ena lubientscha annuala per mintga vehichel da proprietaris (incl. lour famiglia, v.d. conjugals ed unfants) da fons u bietgs segl territori restranschia tras las prescripziuns digl preschaint regulativ: Taxa da canzleia 50.- fr. 2)

2) Revisiun parziala digls 12-12-2003

- c) ena lubientscha annuala per tots igls domicilias: Taxa da canzleia 50.- fr. 2)
- d) ena lubientscha speziala per tots igls interessents cun motivaziun giustifitgeida: Taxa da canzleia 30.- fr. 2)
- e) Conc. Igl cass circumscretgs sot art. 3 po neir do lubientscha angal per en de. Taxa da canzleia 10.- fr. 1) 2)

III. DETERMINAZIUNS SPEZIALAS

Art. 4

Carta da lubientscha

Igls automobilists èn obliias da deponer la carta da lubientscha da moda bagn visibla e durant igl taimp da parcar.

Art. 5

Scumonds da parcadi

Gl'è tenor signalisaziun scumando da parcar sen la veia da Sumvei, segl plaz-Baselgia, sen la sorteida digl bietg da pumpiers ed anturn igls bavradoirs.

Art. 6

Transports organisos

Digtottafatg pribias èn transports d'excursiun organisos.

Transports organisos tras uniuns da traffic cun „buss pitschen“ (max. 12 plazs) „Range Rovers, Land Rovers e Jeeps“ per excursiuns èn lubias max. treis deis l'emda. Igls deis vignan fixos dalla suprastanza an colloboraziun cun la resp. uniun da traffic. 1)

1) Revisiun parziala digls 24-07-1977

2) Revisiun parziala digls 12-12-2003

Art. 7

Premissas, abus Compras u transacziuns da tarragn e biestga, tgi servan ad untgeir las prescripziuns da chest regulativ, vignan consideradas scu abus e na parmettan betg da rattrer lubientscha.

IV. STIPULAZIUNS PENALAS

Art. 8

Puniziuns La suprastanza u igls organs da pulizeia puneschan gl'amprem surpassamaint da chest regulativ e menziuno ainten la lescha federala (Ordnungsbussengesetz) tenor tala.

Art. 9

Surpassamaints digl artetgel 6 Surpassamaints digl artetgel 6 vignan strufageas dalla suprastanza cun 50.- fr.

Art. 10

Recidiva Sch'igl punia davainta recidiv, la suprastanza punescha l'amprema repetiziun digl madem surpassamaint cun 100.- fr. e mintga suandonta cun 200.- fr.

V. DETERMINAZIUN FINALA

Chest regulativ vo an vigour sen igl 01 da schner 1974. Accepto dalla radunana da cumegn igls 17 da november 1973

Igl mastral: Walter Spinas Igl actuar: Matheias Spinas

L'aggiunta (1)) (Artetgel 3 e 6) è neida approvada dalla radunanza da cumegn digls 24-07-1977

La modificaziun digl artetgel 3 (2)) è neida acceptada dalla radunanza communal igls 12-12-2003

Igl mastral:

Igl actuar:

Mario Jegher

Mario Dosch